

县政协鸣治诗社社员作品选

金缕曲·鸣治诗社成立感赋

□ 赵树成

雅聚秋高洁。
骋文心、兴吟乐政，
思如琴发。
莫道东篱黄花晚，
香胜早梅时节。
惊雁字、笔端寒遏。
气结民间霜露白，
染苍山、红遍层林叶。
情可鉴，
句堪摘。
峥嵘海内歌相接。
志方遒、功名格局，
未应虚设。
信有拿云陶谢手，
敢笑江郎才竭。
岂逊色、唐风宋月。
古韵今声多少意，
事难凉、彼此同怀热。
看我辈，
竞先哲。
鸣治：取古人“鸣琴而治”寓意。

水调歌头·清秋

□ 洪福良

秋霁洗方地，
爽气入遥岑。
柳丝摇曳风韵，
亭榭漫登临。
一水波平长镜，
两岸山削丽影。
抬眼望高云。
几点染红里，
何处最销魂。
捻清露，
横涧壑，
散闲心。
抱拳作枕，
斜倚霜草少花茵。
无际红霞清景，
细履薄衣幽径，
小曲醉梁尘。
尽把千般事，
谁付满金樽。

行香子·秋夜

□ 董玉红

凉月初朦，
槐影依风，
一树琼花满天星。
莲房立水，
澜动逐红。
恐虫声远，
蛙声淡，
叹声浓。
忧思萦舞，
前尘虚度，
半鬓青丝雪飞盈。
倏然一梦，
韶岁匆匆。
幸心尤澄，
念尤净，
志尤宏。

七绝·芒种

□ 石伟民

正是梅熟麦老时，
赏花煮酒赋新词。
静思低首寻佳句，
雅趣闲情谁与识？

七绝·雁翎城

□ 时长军

懿州入梦逾千载，
恰到三丰故里来。
古塔雄姿今尚在，
悠悠往事荡心怀。

西江月·赏湖边秋叶

□ 丁志军

一夜清霜铺地，
新红挂满枝间。
殷红彩岸霏氤氲，
一树繁华明鉴。
七八叶羞红靛，
锦裳鬓满云鬟。
霞晕渐染断桥边，
几簇云虹忽现。

南歌子·辞旧迎新

□ 刘守宏

聚友迎新岁，
围炉送旧年。
八方游客把家还。
共度良宵瞬景、醉庭栏。
岁月峥嵘录，
人生况味阑。
从容万事莫空谈。
不负韶华使命、再扬帆。

喝火令·苏仙

□ 邓 微

画作惊千古，
文章美众生。
大江东去本仙翁。
生性豁达豪放，
诗赋纵情中。
把酒邀寒夜，
驰缰御朔风。
弄弦独饮奏琴箏。
莫道秋凉，
莫道转头空。
莫道鬓白长醉，
幻梦本匆匆。

七绝·佛寺夕照

□ 李长江

山明落日彩云多，
水色湖光泛碧波。
乘兴轻舟无远近，
魂游月梦醉仙娥。

七律·追忆蒙古员文史专家暴雨先生

□ 朱明德

八十春秋苦与磨，
潜心撰史未蹉跎。
成文每涉源头事，
付梓曾闻梦里歌。
白首无私争日月，
丹心一片映山河。
而今幸有泉台祭，
后辈应添欣慰多。